

**ხელშეკრულება სახელმწიფო შესყიდვის შესახებ N310104/
(წინამდებარე ხელშეკრულება დეტალურად დაზუსტდება მიმწოდებლის
სატენდერო წინადადების შესაბამისად)**

ქ.თბილისი

„___“ _____ 2021 წ.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – „სახელმწიფო შესყიდვების შესახებ“ საქართველოს კანონის საფუძველზე, შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

წინამდებარე ხელშეკრულება დადებულია:

ერთი მხრივ საქართველოს გარემოს დაცვისა და სოფლის მეურნეობის სამინისტროსა (შემდგომში „შემსყიდველი“) მდებარე ქ. თბილისი, მარშალ გელოვანის გამზ #6

და მეორეს მხრივ _____ (შემდგომში „მიმწოდებელი“) შორის.

მდებარე _____

3. ხელშეკრულების საგანი

ხელშეკრულების საგანს წარმოადგენს „ზურმუხტის ქსელის“ ტერიტორიის (ქისტაური – GE0000055) მართვის გეგმის შედგენის კვლევების მომსახურების (CPV კოდი: 73110000) შესყიდვა ელექტრონული ტენდერის საშუალებით (სატენდერო განცხადების #).

4. ხელშეკრულების ღირებულება

- 4.1. გასაწევი მომსახურების ღირებულება შეადგენს _____ ლარს საქართველოს კანონმდებლობით დადგენილი შესაბამისი გადასახადების გათვალისწინებით.
- 4.2. გასაწევი მომსახურების განფასება მოცემულია ხარჯთაღრიცხვაში (ფასების ცხრილი-დანართი N2), რომელიც ხელშეკრულებას თან ერთვის და მის განუყოფელ ნაწილს წარმოადგენს.

5. მხარეთა უფლება-მოვალეობანი

- 5.1. მიმწოდებელი ვალდებულია დანართი N1-ით (ტექნიკური დავალება) განსაზღვრული მომსახურება გაწიოს ხელშეკრულების გაფორმებიდან არაუგვიანეს 2021 წლის 1 დეკემბრამდე პერიოდში, 2 ეტაპად:
I ეტაპი - მართვის გეგმის პირველადი სამუშაო ვერსიის წარმოდგენა - 2021 წლის 31 აგვისტოს ჩათვლით პერიოდი;
II ეტაპი - შემსყიდველის მიერ დაფიქსირებული შენიშვნების გათვალისწინებით მართვის გეგმის საბოლოო ვერსიის წარმოდგენა - 2021 წლის 1 დეკემბრამდე პერიოდი.

5.2. მიმწოდებელი ვალდებულია შემსყიდველის მოთხოვნის შემთხვევაში, მომსახურების გაწევის პერიოდში წარუდგინოს შემსყიდველს ანგარიშები მიმდინარე საქმიანობის შესახებ, ან/და შუალედური დასკვნები.

5.3. უნდა მომზადდეს ზურმუხტის ქსელის ტერიტორიის (ქისტაური – GE0000055) მართვის გეგმა, ქვემოთ მოტანილი მოთხოვნების შესაბამისად:

- მართვის გეგმის პროექტი უნდა მომზადდეს აღნიშნული ტექნიკური დავალების დანართებში მოცემული ინფორმაციის (ზურმუხტის ტერიტორიის - ქისტაური – GE0000055 - შეიპ ფაილები და სტანდარტულ მონაცემთა ფორმა) შესაბამისად.

- საჭიროა სხვა ლიტერატურული მონაცემების და სხვა ჩატარებული კვლევების მასალების გამოყენება.

შეიპ ფაილი (Shp files) იხილეთ შემდეგ ელექტრონულ მისამართზე:

<https://drive.google.com/drive/folders/1wOCcL0ZXDIRgSfAO8oP-5AINeJ7OAmey>

5.4. კვლევების დასრულების შემდეგ მიმწოდებელმა უნდა წარმოადგინოს მართვის გეგმის პროექტი, რომელიც უნდა მოიცავდეს შემდეგი სახის ინფორმაციას:

5.4.1 შესავალი (მართვის გეგმის შემუშავების პროცესი; მართვის გეგმის მოქმედების პერიოდი და ა.შ.);

5.4.2 ტერიტორიის აღწერა (ტერიტორიის გეოგრაფიული მდებარეობა, მიწათსარგებლობა; მართვის მიზნები; ბიომრავალფეროვნება; ტურისტული და რეკრეაციული პოტენციალი; ტრადიციული საქმიანობა და ბუნებრივი რესურსების გამოყენება; ისტორიულ-კულტურული ღირებულება, ტერიტორიაზე არსებული/მშენებარე/დაგეგმილი ინფრასტრუქტურა და სხვა საქმიანობის ობიექტები, ტერიტორიაზე გავრცელებული ბერნის კონვენციით დაცული სახეობებისა და ჰაბიტატების საფრთხეები);

5.4.3 ზურმუხტის ტერიტორიის მართვის გრძელვადიანი მიზნები (20 წლიანი);

5.4.4 ზურმუხტის ტერიტორიის მოკლევადიანი მიზნები, მათი მიღწევისათვის საჭირო ამოცანები და ქმედებები (ბერნის კონვენციით დაცული სახეობებისა და ჰაბიტატების გრძელვადიანი შენარჩუნების უზრუნველყოფისთვის) (6 წლიანი);

5.4.5 ტერიტორიაზე (ქისტაური – GE0000055) არსებული ბერნის კონვენციის მეექვსე და მეოთხე რეზოლუციებში მითითებული სახეობების და ჰაბიტატების ჩამონათვალი;

5.5. შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.

5.6. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

6 გაწეული მომსახურების მიღება-ჩაბარების წესი

მომსახურება გაწეული იქნება ეტაპობრივად და ჩაითვლება გაწეულად მხარეთა უფლებამოსილი პირების მიერ შესაბამისი “მიღება-ჩაბარების” აქტის გაფორმების შემდეგ.

7 ხელშეკრულების შესრულების კონტროლი

მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს და მიღება-ჩაბარების აქტებზე და ურთიერთშედარების აქტზე ხელმოწერას განახორციელებს შესაბამისი ინსპექტირების ჯგუფი -----.

8 გაწეული მომსახურების ხარისხი და გარანტია

მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და იქნება ხარისხიანი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება;

9 ანგარიშსწორება

9.1 ანგარიშსწორება მიმწოდებელთან განხორციელდება ლარებში.

9.2 ანგარიშსწორება განხორციელდება ეტაპობრივად, ხელშეკრულების მე-5 მუხლის 5.1. პუნქტის შესაბამისად ფაქტიურად გაწეულ მომსახურებაზე შედგენილი მიღება-ჩაბარების აქტისა და მიმწოდებლის მიერ საგადასახადო ანგარიშ-ფაქტურის (კანონმდებლობით დადგენილ შემთხვევაში) წარმოდგენის შემდეგ 10 სამუშაო დღის ვადაში.

9.5. ანგარიშსწორების ფორმა იქნება უნაღდო. გადარიცხვა განხორციელდება მიმწოდებლის საბანკო ანგარიშზე.

10 ფასები

10.1 წინამდებარე ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11 ხელშეკრულებაში ცვლილებების შეტანა

11.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12 უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13 ფორს-მაჟორი

13.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 მხარეები აღიარებენ, რომ წინამდებარე ხელშეკრულება გაფორმებულია ახალი კორონავირუსის (COVID-19) პანდემიის პირობებში და თანხმდებიან, რომ აღნიშნული არ წარმოადგენს წინამდებარე ხელშეკრულებით ნაკისრი ვალდებულებების შესრულებისა და პასუხისმგებლობისგან გათავისუფლების საფუძველს;

13.4 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14 მხარეთა პასუხისმგებლობა ხელშეკრულების პირობების დარღვევისათვის

14.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეები პასუხს აგებენ საქართველოს მოქმედი კანონმდებლობის შესაბამისად.

14.2. ხელშეკრულების პირობების არაჯეროვანი ან/და ვადაგადაცილებით შესრულების შემთხვევაში მხარეს დაეკისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით;

14.3 ხელშეკრულების პირობების შეუსრულებლობისათვის მიმწოდებელს დაეკისრება პირგასამტეხლო ხელშეკრულების საერთო ღირებულების 10% ოდენობით;

14.4 ხელშეკრულების ნაწილობრივ შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

14.5. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

15 ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

16 დავების გადაწყვეტის წესი

16.1 ხელშეკრულების დამდები მხარეები თანხმდებიან მასზედ, რომ მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

16.2 თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17 სხვა პირობები

17.1 წინამდებარე ხელშეკრულება ძალაშია ხელმოწერის დღიდან და მოქმედებს 2021 წლის ____.

17.2 ხელშეკრულება შედგენილია ქართულ ენაზე და მხარეთა მიერ განხორციელებულია კვალიფიციური ელექტრონული ხელმოწერა/დამოწმებულია კვალიფიციური ელექტრონული შტამპით.

შემსყიდველი:

მიმწოდებელი:

საქართველოს გარემოს დაცვისა და სოფლის
მეურნეობის სამინისტრო
